



den sol. vñ da sin rede nütze
ist. vñ an d' statt swiget da
er swigen sol. **A**ber edlich lö
te kerent dz hind' her für
vñ redet da si swigen soltēt.
vñ swiget da si reden soltēt.
vñ da es nütze wäre. daz ist
nit ordenlich. **M**an sol da re
den da man reden sol. vñ da
es güt ist. vñ sol da swigen
da man swigen sol. vñ da
din red vñ nütze si. **D**ie löte
sint och vnordenlich an uren
worten die ains redet mit
den worten. vñ ain anders
hant in dem herten. **V**nsere
herre sprichet in dem ewā
gelio. **A**llv iuwv wort söt
sin. **J**a. **J**a. **H**vt. **H**vt. daz ist
als vil gesprochen. **S**o dv
sprichet mit dem munde.
dz dir och dz in dem herten
Ja si. vñ so dv nit gehet
mit den worten. dz dir och
den nütze si in dem herten.
Dz ist wid' den löten gespro
chen die anders redent den
men in dem herten si. **E**tlich
löte gent die schönste rede.

vñ die besten rede vñ d' welte.
vñ ist in ab' gar enands in
dem herten. vñ gent den löten
mit bedachten worten ze erke
nen. dz es doch nit also ist. vñ
went dar an nit vnrecht han
geleit. **D**ie löte hant ain löse
kündkait. es ist ab' den löten
sünde. si gelichent sich d' löch
sen. die hant och vil künd
kait. **D**ie löte sint och vnorde
lich an uren worten die vñ
lichv wort sprechet. da vñ mā
let vñ let wirt. **H**etti ain man
ain andern manne ain phvt
od' fünf schilling genomē. od'
als es den wäre. vñ käme der
ze bihte. so sprachet der bihter.
dv solt es wid' gen. od' din wirt
niem' rat. **S**ir dēne emvenig
phēning vñ zerganklich gvt
der mētsch sol wid' gen. **S**o ist es
vil billich der dem andern vñ sin
herren vñ sin herten nimet
mit vñlen vñ mit vñllichen
worten. dz in d' wid' gele. **w**on
es komet dik also. so ain ment
sche vñsere herten hat in sin her
zen. dz in im ain anders vñ sin